



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

28. Dies Decembris. Herodes persequitur parvulum: sed stellæ
obsequentis fulgor declarat Deum. Gaudentius serm. 19.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

tritur, & crescit adversis Amor: & ingruentia mala, in suam laudem vertit. Non volo, ô Amor meus, immori rosis! dum cerno duras tuas, quibus incumbis, stipulas: non placet mihi, mors pallida in plumis, excipienda: opto potius vel fumosam, inter ignes: vel cruentam, inter enses. Non subtraho me i tibus tuis, ô blande Puer: mihi eris blandus, etiam dum in me fueris sævus: fieri, quâ lubet: quia volentem percutis.

Per Castra, & rastra, ignem, & ferrum, tendis ad astra.

28. DIES DECEMBRIS.

Herodes persequitur parvulum; sed stellæ obsequentis fulgor declarat Deum. *Gaudentius serm. 19.*

Amor
Christi in
nos.

Parvulus ille Regulus, ut vel tunc multos haberet sui Regni hæredes permisit, ut in parvulos ferarum stringeret Herodes: ut per Herodem infantium sanguine, suam perficeret laudem: Voluit vix natus, docere viam ad cælum, hoc est, ad terram illam fluentem lacte, & melle, non elle lacteam, sed cruentam, dum tot infantium voluit effundi cruorem. Hi parvuli, dum fuerunt primitiæ Martyrum, aliis omnibus signum extulerunt ad Martyrium. Sed, dum Herodes, Christum, ut mortalem hominem persequitur: Deum immortalem declarat stella fulgens, dum illi obsequitur. Vel sic mundo se prodidit mundi victorem, tot, quæ pro illo ceciderunt victimis. Parvulus ille Pontifex, non hircorum, vitulorum: sed parvulorum infantium sanguine voluit sibi litari: postea suum, ut Patri litaret, copiosissimè effusus. Ut tu cadas talis Christo hostia: esto

decemb:

Tessera.

1045

tui ipsius hostis. Uti Herodes in alios : sic tu, in te ipsum sævias. Ut sis Divini Infantis dignus amore, non odio: noli te amore prosequi, sed odio persequi. Sicut Herodes plùs Infantibus profuit odio, quàm profuisset obsequio: ita & tu plus tibi proderis, si fueris tui osor, quàm cultor: tibi ipse, tuis in te officiis officies. Nimia in corpus indulgentia, est in animam extrema sævitia: hujus es tortor, dum illius est fautor.

II. Age, & vide: an non tantùm mereatur, in plurimis plurimum de te bene meritis Deus-Infans. Sic te amavit, ut licet fueris extremè ingratus: nihilo tamen feciùs tibi agat gratias, pro illis, quæ ei debes: ac si illius, quæ tibi confert munera, essent totidem, quibus tibi obstringitur debita. Eo modo peccata tibi remittit, ac si plurimis à te fuisset affectus beneficiis: quasi peccati remissio, esset remittendi obligatio. Bona tua opera sic remuneratur: ac si ad illa, nihil ipse contulisset: quasi tua merita essent tui solius operantis industriæ, non ipsius cooperantis gratiæ. Eo denique modo: qualiacunque officia tua compensat: velut post acceptas à te multas injurias, plura ei beneficia contulisses? Potuissetnè Christus plura vel facere, vel pati pro sua ipsius salute, quàm pro tua? Plura ramen amore tui facere, & pati non modò paratus, sed promptus fuisset. Audi, quid ipse olim dixerit D. Brigittæ: (a) *Dilectio, inquit, mea erga hominem, modò aequè grandis, atque incomprehensibilis est, sicut erat tēpore Passionis meæ, quando per mortem meam ex nimia charitate liberavi omnes electos meos. Etsi fieri posset, ut toties morerer, quot sunt anime in inferno: ego promptissimâ voluntate, & perfectissimâ*

V u u 3

chari-

(a) L. 7. Revelat. c. 19.

1046 *Christiani Militis* Decemb.
charitate corpus meum traderem, eandemque Passio-
nem, & mortem, pro qualibet anima sustinerem, quam
sustinui pro omnibus.

III. Vis plura de amore Jesu in te? Audi, & stupe.
Christus animam unam suã dotatam gratiã, impen-
sius diligit, quã sanctissimam Trinitatem omnes si-
mul cælites. Tanto in Deum amore accenta fuit ali-
quando Catharina Senensis; ut aliquando præ ejus
vehementia, animam exhalarit; & ad quatuor horas
exanimis jacuerit. Si talis est amor unius hominis in
Deum hîc in exilio; qualis est amor sanctorum simul
omnium, & quidem Deum in gloria facie ad faciem
videntium? Pluris tamen incomparabiliter Christus
amat unam unius hominis animam. Ipse profectò si
Homo factus; tam benè affectum corpus, & à mor-
bis omnibus immune non habuisset; animãque sen-
tientis cupiditatibus habenas laxasset affectuum, ex
voluntatis ardore erumpentium; copia, amorisque in
animo flagrantis vis ingens, vitam ei etiam Infanti in
præsepio jacenti eripuisset, perpetuò quodam mira-
culo supra triginta annos propagatam. Quid igitur,
pro immenso in te amore jam superest; quã, ut to-
tum, omnibus & corporis, & animæ viribus te ei
consecres? Quid dicam tibi? ò Jesu! quã, ut dicã
me voluisti, & docuisti? fiat voluntas tua? quod tibi
placet, approbo; sententiæ tuæ concordo; quod ne-
gas, dimitto; quod das, accipio; quod infigis, fero. Ad
omnem voluntatem tuam cereus occurro. Hæc in
corde meo regnet, mea in exilium exagatur. Omnia
non meo rogatu; sed tuo nutu eant; tui arbitrii spon-
te, ac libens cuncta facio. Vitam mihi, ut voles, pro-
fer, vel contrahe; morbos pelle, velingere; opes cu-
mula,

Decemb.

Tessera.

1047

mula, vel accide; negotiis meis successum promove, vel everte; Amores, erga me hominum excita, vel odia permittite; sapientiam, famam, eruditionem, facundiam adde, vel deme. Nihil jam horum precor, vel deprecor; sit, quodcunque voles. Amorem tui solum, cum gratia tua mihi dones, & dives sum satis; nec aliud quidquam ultrà posco.

Unum, Christe peto, misero me surripi leto.

29. DIES DECEMB.

Cùm nascitur Christus; oritur origo rerum. *S. Chrysologus serm. 148.*

Christi
perfectio-
nes.

CHristus, qui, ut Deus in sinu Patris in principio erat Verbum; qui, & in tempore, in principio creavit cœlum, & terram, est rerum omnium origo, à qua una omnia oriuntur. O utinam! sicut ipse est origo omnium rerum; ita sit & origo omnium nostrarum actionum! Imò, sicut ipse est non modò Alpha, hoc est principium; sed & Omega, id est finis: sic & idem sit omnium nostrorum; & à quo ordiamur, principium, & propter quem agimus, finis operum. Et ad quem potius referemus omnia, quàm ad Jesum? in quo, ex quo, & per quem sunt omnia; cùm, quæ singula, Amorem excitant; in eo copulata sint universa. In illo est cœlorum puritas, siderum harmonia, solis nitor, imbrium fecunditas, florum pulchritudo, silvarum amœnitas, camporum ubertas, picturarum elegantia, musicæ dulcedo, gemmarum virtus, palatiorum splendor, urbium majestas, templorum magnificentia, munitio robur, exercituum potentia, epularum oblectatio, ludorum